

ՌՈՒԲԵՆ ՍԱՀԱԿՅԱՆ

*Պալատական գիտությունների դոկտոր,
ՀՀ ԳԱԱ պալատության ինստիտուտ
rubensahakyan58@gmail.com*

ՌՈՍՏՈՍ ՍԱՐԳՍՅԱՆ

*Տնտեսագիտական գիտությունների թեկնածու,
ՀՀ Ոստիկանության կրթահամալիր
rosargsyan@gmail.com*

ՀԱՅԱՍՏԱՆԻ ԱՌԱՋԻՆ ՀԱՆՐԱՊԵՏՈՒԹՅԱՆ ԻՐԱՎԱՊԱՀ ՀԱՄԱԿԱՐԳԻ ԿԱԴՐԵՐԻ ՊԱՏՐԱՍՏՄԱՆ ՊԱՏՄՈՒԹՅՈՒՆԻՑ (1919 Թ.)

Հայաստանում ոստիկանական դասընթացների հիմնադրման 100-ամյակի առթիվ Խորհրդային պատմագիտությունում ընդունված էր, որ ՆԳ մարմինների համար կադրեր պատրաստվել են բացառապես Խորհրդային տարիներին, ուստի հիմնականում լուսաբանվում էր այդ տարիների միլիցիայի գործունեությունը: Այդ աշխատանքները հիմնականում հուշագրություններ են, այդուհանդերձ, միլիցիայի պատմությանը նվիրված գիտական ուսումնասիրություններ առկա են¹: Հիմնահարցի լուսաբանման հետ կապված հիմնական դժվարությունը՝ միլիցիայի գործունեությանն առնչվող արխիվային վավերագրերի գրեթե անհասանելի լինելը, վերացավ ՀՀ անկախացումից հետո և պատմաբանները հնարավորություն ստացան օգտվել ՆԳ նախարարության գործունեությունը լուսաբանող վերոհիշյալ աղբյուրներից: Հրապարակվեցին հոդվածներ և ուսումնասիրություններ², որտեղ առաջին անգամ հետազոտվե-

¹ **Լոգվինով Ի.**, Էջեր Սովետական Հայաստանի միլիցիայի պատմությունից, Ե., 1975, **Апнян Н.А.** Развитие органов милиции в Армянской ССР (1920–1975 гг.), Е., 1979, **его же:** Из истории НКВД Советской Армении (1920–1946 гг.), Е., 1986; **Ванян А.** К вопросу об эффективности деятельности органов внутренних дел (ՀՍՍ ԳԱ Լրաբեր հասարակական գիտությունների, 1983, № 5, с. 37–43):

² **Ավագյան Ռ.Զ.**, Հանցավորությունը Հայաստանի Առաջին Հանրապետությունում (1918–1920 թթ.), Ե., 1995, **նույնի՝** Հանցավորությունը Հայաստանում, Ե., 1997, **Վիրաբյան Վ.Հ.**, Հայաստանի Առաջին Հանրապետության Միլիցիան և Ներքին գործերի նախարարությունը (1918–1920 թթ.) Ե., 2003, **Ասլանյան Տ.**, ՀՍԽՀ Ներքին գործերի ժողկոմատի ստեղծման պատմությունից, «Բանբեր Հայաստանի արխիվների» (այսու-

Հայաստանի Առաջին Հանրապետության իրավապահ...

ցին ոչ միայն Առաջին Հանրապետության ՆԳ նախարարության և միլիցիայի, այլև դրանից առաջ գործունեություն ծավալած իրավապահ մարմնի աշխատանքը³:

1918 թ. մայիսի 28-ին Հայաստանը վերականգնում է իր անկախությունը: Կարճ ժամանակ անց կազմակերպվում են իշխանության մարմինները: Բաթումի պայմանագրով կրճատվել էր հայոց զինուժը: Հանրապետությունում և նրա սահմաններում գտնվող թուրք-քրդական ելուզակախմբերը, օգտվելով օսմանյան զորքի ներկայությունից, հարձակումներ էին կատարում հայկական բնակավայրերի վրա: Այդ ամենին գումարվում էին հայերից, ինչպես նաև եզդիներից կազմված տարաբնույթ քրեական խմբեր, որոնք հարձակումներ էին գործում բնակչության վրա: Սակավաթիվ և վատ զինված միլիցիան ի զորու չէր արդյունավետ պայքարել լավ զինված ու կազմակերպված ավազակախմբերի դեմ: Իրավիճակը փոխվեց Առաջին համաշխարհային պատերազմում Քաոյակ միության, այդ թվում՝ Օսմանյան կայսրության պարտությունից հետո: Հայաստանի Հանրապետությունը սկսեց վերականգնել իր պետական սահմանները և պայքարել ներքին կարգուկանոն հաստատելու համար: Բացի զորամասերից, տեղակայվում էին նաև միլիցիայի ստորաբաժանումներ:

Ինքնին հասկանալի է, որ միլիցիան իր կազմով և կադրերով չէր համապատասխանում ստեղծված իրավիճակին: 1919–1920 թթ. պետության համար ուղղակի աղետ էր դասալքությունը, որը զանգվածային էր: Ինչպես նշում է Վ. Վիրաբյանը, դասալքությանը նպաստում էին ՆԳ և միլիցիայի աշխատակիցները, «որոնց շնորհիվ էլ դասալքությունը ահռելի չափերի էր հասել և դարձել

հետև՝ ԲՀԱ), 2008, № 2, էջ 144–158, **Ալեքսանյան Կ.**, Խորհրդային իշխանության ամրապնդումն Ալեքսանդրապոլի գավառում (1921 թ. ապրիլ-դեկտեմբեր), ԲՀԱ, 2008, № 1, էջ 73–91, **Սարգսյան Ռ.Հ., Սահակյան Ռ.Օ.**, Հայոց ոստիկանության պատմությունից, մաս 1, Ե., 2013, **Սարգսյան Ռ.Հ., Սահակյան Ռ.Օ.**, Հայաստանի ոստիկանության պատմությունից, մաս II, Ե., 2015, **Սարգսյան Ռ.**, Երևանի միլիցիայի դպրոցի հիմնադրման պատմությունից, Երևան 4: Գիտական հոդվածների ժողովածու, Ե., 2016, էջ 157–167:

³ **Սահակյան Ռ.Օ.**, Հայկական ոստիկանության կազմակերպումն ու գործունեությունը Վանի նահանգապետության շրջանում (1915 թ. մայիսի 8 – հուլիսի 17), Ե., 2008, **նույնի՝** Միլիցիայի կազմակերպումը Վանի նահանգում (1915 թ. հոկտեմբեր – 1916 թ. սեպտեմբեր), Պատմաբանասիրական հանդես, 2018, № 1, էջ 149–160:

անգսպելի»⁴: Մի շարք դեպքերում «միլիցիան զինված է պատահական զենքերով, հաճախ չի ունենում փամփուշտ և այլն»⁵:

Այնուամենայնիվ, միլիցիայի աշխատակիցների գիտակից մասը շարունակում էր ազնվորեն ծառայել հայրենիքին: Որպես օրինակ վկայակոչենք 1920 թ. ապրիլի 4-ին ՆԳ նախարար Ա. Գյուլիսանդանյանի հրամանը, ըստ որի Ջաֆարաբադի (այժմ՝ Արգավանդ) պահկետի ավագ միլիցիոներ Համբարձում Հակոբյանին հայտնվում է շնորհակալություն և նա պարգևատրվում է 20 հազար ռուբլով: Միլիցիոները Ջաֆարաբադ գյուղում կալանավորում է Ադրբեջանի դիվանագիտական ներկայացուցիչներին, որոնք Ջանգիբասարի գավառի (այժմ՝ Մասիս) մահմեդական խռովարարների համար տեղափոխում էին մեծ գումար: Հ. Հակոբյանին առաջարկվել է մեծ կաշառք, որից իրավապահը հրաժարվել է⁶:

Կառավարությունը իր առաջնահերթ խնդիրներից էր համարում միլիցիայի աշխատակիցների համար դասընթացների կազմակերպումը, որոնք, ըստ հանգամանքների, կարող էին լինել մեկամսյա կամ ութնամսյա:

Ստորև ներկայացվող փաստաթղթերը պահպանվում են Հայաստանի ազգային արխիվում, տպագրվում են առաջին անգամ՝ ուղղագրական և կետադրական որոշ շտկումներով, սակայն ոճը պահպանելով: Փաստաթղթերի վերնագրերը մերն են: Մեր միջամտությունները կատարվել են ուղղագիծ փակագծերով:

⁴ Վիրաբյան Վ., Հայաստանի Առաջին Հանրապետության Միլիցիան և Ներքին գործերի նախարարությունը, էջ 54:

⁵ Վիրաբյան Վ., Հայաստանի Առաջին Հանրապետության Միլիցիան, էջ 79:

⁶ Հայաստանի Հանրապետությունը 1918–1920 թթ. (Քաղաքական պատմություն): Փաստաթղթերի և նյութերի ժողովածու: Պատասխանատու խմբագիրներ՝ Գալոյան Գ., Ղազախեցյան Վ., Ե., 2000, էջ 181:

N 1

**ՀՀ ԱՐԴԱՐԱԴԱՏՈՒԹՅԱՆ ՆԱԽԱՐԱՐԻ ԳՐՈՒԹՅՈՒՆԸ
ԿԱՌԱՎԱՐՈՒԹՅՈՒՆ՝ «ԴԱՏԱ-ՈՍՏԻԿԱՆԱԿԱՆ ԴԱՍԸՆԹԱՑՆԵՐԻ
ԿԱՆՈՆԱԴՐՈՒԹՅՈՒՆԸ» ԵՎ ՆԱԽԱՀԱՇԻՎԸ ՀԱՍՏԱՏՄԱՆ
ՆԵՐԿԱՅԱՑՆԵԼՈՒ ՄԱՍԻՆ**

ԿԱՌԱՎԱՐՈՒԹԻՒՆ
ՀԱՅԱՍՏԱՆԻ ՀԱՆՐԱՊԵՏՈՒԹԵԱՆ
ԱՐԴԱՐԱԴԱՏՈՒԹԵԱՆ
ՄԻՆԻՍՏՐՈՒԹԻՒՆ
N 1649

8 յուլիսի 1919 թ.
Երևան

Այսու ներկայացնում եմ «Դատա-Ոստիկանական դասընթացների» կա-
նոնադրությունը, խնդրում եմ Մինիստրների Խորհրդի ընդունել այդ օրենքը
կցուած նախահաշուի հետ ի միասին:

Արդարադատության Մինիստր՝ Յարութին Չմշկեան⁷ [ստորագրություն]
Դիւանապետ՝ Խանդամիրեան [ստորագրություն]
Մակագրություններ՝ «Bx. 2160, 9/VII. [19]19 Դ., 7/919».

ՀԱԱ, ֆ. 199, ց. 1, գ. 16, թ. 370: Բնագիր: Ձեռագիր:

N 2

**ՀՀ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ ԿԱՌԱՎԱՐՈՒԹՅԱՆԸ
ՆԵՐԿԱՅԱՑՐԱԾ ԵՐԵՎԱՆԻ ՄԻԼԻՑԻԱՅԻ ԱՆՁՆԱԿԱԶՄԻ ՀԱՄԱՐ
ԴԱՍԸՆԹԱՑՆԵՐԻ ԿԱՆՈՆԱԴՐՈՒԹՅՈՒՆԸ ԵՎ ՀԱՍՏԻՔՆԵՐԸ**

[8 յուլիսի 1919 թ.]
[Երևան]

Երևանի քաղաքային միլիցիայի համար Քրեակ[ան] Դատավ[արության]
Կանոնադրքի Կարգով միլիցիականներ պատրաստելու և Հայաստանի Հան-
րապետության միլիցիայի իրաւունքների և պարտականութիւնների մասին
նրանց լայն տեսական ծանօթութիւն տալու նպատակով՝ Երևանի Շրջանային
Դատարանի դատախազի օգնականի հսկողութեամբ հիմնում է դասընթաց-
ներ «Դատա-ոստիկանական դասընթացներ» անունով:

⁷ Չմշկեան Հ., ՀՀ արդարադատության նախարար (1919 թ. ապրիլի 27 – օգոս-
տոսի 10):

**ԿԱՆՈՆԱԴՐՈՒԹՅՈՒՆ ԴԱՏԱ-ՈՍՏԻԿԱՆԱԿԱՆ ԴԱՍԸՆԹԱՑՆԵՐԻ ԵՎ
ՀԱՍՏԻՔՆԵՐԻ ՄԱՍԻՆ**

1. Դասընթացներում ուսանելու համար Միլիցապետն ուղարկում է 20 միլիցիականներ, անբիժ վարքի տէր, գրագետ, որոնք բացի հայերէնից, ըստ կարելոյն գիտեն ռուս և թիւրք լեզուներ:

2. Դասընթացներում ուսման ժամանակը մի ամիս է:

3. Դասընթացներում միլիցիականներին աւանդում են՝ սկզբնական տեղեկութիւններ Պետական ու Ոստիկանական իրաւունքներից, Քրեական Դատաւ[արության] Կանոնագիրքը 250–261 յօդաձների սահմաններում, Անդրկովկասեան Ոստիկանական պահակի մասին Կանոնադրութիւնը, Երևանի Դատաստանական Պալատի պ[արոն] Դատախազի հրահանգը [Hakaaz] և համապատասխան մասերով Հայաստանի Հանրապետութեան Կառավարութեան Օրենսդրութիւնը:

4. Ուսման ժամանակը լրանալուց յետոյ դասընթացներում տեղի են ունենում քննութիւններ, որտեղ իւրաքանչիւր միլիցիական պիտի յայտ բերի իր պարտականութիւնների ու իրաւունքների լուրջ գիտութիւնը:

5. Քննութիւնները յաջող տաւձ միլիցիականը ստանում է I կարգի միլիցիականի կոչում, նաև ծառայական իրաւունքներ ու առաքելութիւններ:

6. Քննութիւնները չբռնաւձ միլիցիականը կարող է թողնել դասընթացներում երկրորդ անգամ ուսանելու՝ իր իշխանութեան յատուկ միջնորդութեամբ:

7. Քննութիւնների աւարտից յետոյ սկսւում է սոյն կանոնադրութեան 1 կետի համապատասխան՝ դասընթացների յաջորդ շրջանը, մինչև որ բոլոր միլիցիականները կանցնեն այդ դասընթացները, որից յետոյ դասընթացները փակւում են:

8. [Այս կետը հանված է փաստաթղթից]:

9. Դասընթացներում սովորողների վրայ կարգապահական իշխանութիւնը պատկանում է Միլիցապետի կողմից նշանակաւձ անձին:

10. Դասընթացները գտնւում են իրաւասութեան Մինիստրութեան սահմաններում [և] Երևանի Շրջանային Դատարանի Դատախազի անմիջական հսկողութեան ներքոյ:

11. Դատա-Ոստիկանական դասընթացներ կարող են բացւել Հայաստանի ամբողջ տերիտորիայում Ն. Գ. և Արդարադատութեան Մինիստրների փոխադարձ համաձայնութեամբ:

Շտապներ

[illegible]

223

Մինիստրների Խորհրդի Գործերի կառավարիչ Գ. Խոջամիրեան [ստորագրություն]

Սոյն օրէնքը հաստատւած է Մինիստրների Խորհրդի 1919 թի յուլիսի 12-ի նիստում, համաձայն Հայաստանի Խորհրդի 1919 թի յունիսի 5-ին ընդունած օրէնքի:

Մինիստրների Խորհրդի Գործերի կառավարիչ Գ. Խոջամիրեան [ստորագրություն]

ՀԱԱ, ֆ. 199, ց. 1, գ. 16, թ. 369: Բնագիր: Ձեռագիր:

N 4

**ՁՈՀՐԱՊ ԲԱԳՐԵՎԱՆԴՅԱՆԻ՝ ՄԻԼԻՑԻԱՅԻ ԴԱՍԸՆԹԱՑՆԵՐԻ
ՎԵՐԱԲԵՐՅԱԼ ԿԱԶՄԱԾ ԾՐԱԳԻՐԸ**

28 փետրվարի 1919 թ.

[Երևան]

Ծրագիր Ոստիկանական Վարժարանի

1. Տնօրէն՝ հարիւրապետ կամ տեղակալ,
2. Մարզիչ սպաներ՝ 3 [հոգի],
3. -,- [մարզիչ] ենթասպաներ՝ 5 [հոգի],
4. Ոստիկան զինւորներ՝ 150-200 [հոգի]:

Զինւորական դասեր

1. Զինւորական մարզանք՝ Շվեդական մարզանք⁸,
2. Զինւորական կրթութիւն,
3. Ոստիկանական ներքին կանոնադրութիւն,

[Մասնագիտական առարկաներ]

1. Պետական կազմը և դասավորումները,
2. Օրէնսգիտութիւն (համառօտ),
3. Քաղաքային, դատական և ոստիկանական փոխյարաբերութիւնները և իրաւասութիւնները,

⁸ Շվեդական մարմնամարզության հիմնադիրը համարվում է շվեդացի բժիշկ, բանաստեղծ, գիտնական և հասարակական գործիչ Պեռ Հենրիկ Լինգը (շվեդ.՝ Pehr Henrik Ling, 1776-1839), որը ստեղծեց յուրահատուկ 4 տեսակի մարմնամարզական վարժություններ, այդ թվում՝ զինվորական: Հավանաբար այս վերջինն է նկատի ունենում Զ. Բագրևանդյանը:

Հայաստանի Առաջին Հանրապետության իրավապահ...

4. Տեղեկագրերու պատրաստութիւններ,
5. Համառօտ մարդակազմութիւն և առողջաբանութիւն:
Ընդունելութեան պայմաններ
1. Տարիքը՝ 20–25 [տարեկան]՝ բժշկական քննութեամբ,
2. Կարողալ, գրել գիտնալը պարտաւորիչ (լեզուներ գիտնալը նախընտրելի է),
3. Անցեալին մէջ դատապարտուած պէտք չէ լինի:
Շրջան
- Դպրոցական շրջանը [տևելու է] 3–5 ամիս:
Պարենաւորում
- Դպրոցին պարենաւորումը Զինւորական ձևով կը կատարուի:
Զօհրապ Գ. Բագրևանդեան [ստորագրութիւն]
- յ. գ. Ոստիկանը կը բաժանուի երկու կարգի՝ Զիւար և Հետևակ:
Համագգեստը կարևոր է:
Գործնականապէս վարժեցնելու համար շրջիկ պահակի պաշտօնը կարելի է յանձնել վարժարանին:

ՀԱԱ, ֆ. 201, ց. 2, գ. 28, թ. 3: Բնագիր: Ձեռագիր:

N 5

**ՀՀ ՆԳ ՄԻՆԻՍՏՐԻ ՀՐԱՄԱՆԸ ՁՈՀՐԱՊ ԲԱԳՐԵՎԱՆԴՅԱՆԻՆ
ՄԻԼԻՑԻԱՅԻ ԴՊՐՈՑԻ ՂԵԿԱՎԱՐ ՆՇԱՆԱԿԵԼՈՒ ՄԱՍԻՆ**

N 500

4 դեկտեմբերի 1919 թ.
[Երևան]

Զօհրապ Բագրևանդեանը նշանակվում է միլիցիոներական դպրոցի ղեկավար և դասատու սույն [թվականի] դեկտեմբերի 4-ից:

Իսկականը ստորագրել է տիար Ներքին Գործոց Մինիստրի՝ Մանասեան⁹:

Իսկականի հետ ճիշտ է՝

Գործավար [ստորագրութիւնը բացակայում է]:

ՀԱԱ, ֆ. 201, ց. 2, գ. 28, թ. 6: Ձեռագիր: Պատճեն:

⁹ Մանասյան Սարգիս (1880–1920), ՀՀ ՆԳ նախարարի պաշտոնակատար (1919 թ. ապրիլ–օգոստոս), ՀՅԴ անդամ:

**ՆԳ ՆԱԽԱՐԱՐԻ ՀԱՆՁՆԱՐԱՐԱԿԱՆԸ ՄԻԼԻՑԻԱՅԻ ԴՊՐՈՑԻ ՂԵԿԱՎԱՐ
Ձ. ԲԱԳՐԵՎԱՆԴՅԱՆԻՆ ԿԱԶՄԱԿԵՐՊՉԱԿԱՆ ԱՇԽԱՏԱՆՔՆԵՐԸ
ՍԿՍԵԼՈՒ ՄԱՍԻՆ**

Պատճեն

Ներքին Գործոց Նախարար

N 3448

4 դեկտեմբերի 1919 թ.

Երևան

ՀՀ ՆԳ ՆԱԽԱՐԱՐ Ա. ԳՅՈՒԼԻԱՆԴԱՆՅԱՆԻ ՀՐԱՄԱՆԸ ԵՐԵՎԱՆԻ
ՄԻԼԻՑԻԱՅԻ ԴՊՐՈՑԻ ՂԵԿԱՎԱՐ ԶՈՀՐԱՊ ԲԱԳՐԵՎԱՆԴՅԱՆԻՆ
ԴՊՐՈՑԻ ՀԱՄԱՐ ՀԱՄԱՊԱՏԱՍԽԱՆ ՇԻՆՈՒԹՅՈՒՆ ԳՏՆԵԼՈՒ ՄԱՍԻՆ

Նշանակելով Ձեզ միլիցիոներական դպրոցի ղեկավար և դասատու,
յանձնարարում է Ձեզ բոլոր նախապատրաստական աշխատանքները կա-
տարել թե՛ աշակերտների ընտրության և թե՛ դասախոսներ հրաւիրելու, շէնք
գտնելու, դասավանդության ժամանակ ծրագիրները և ձևը որոշելու վերաբե-
րեալ:

Երևանի քաղաքային միլիցիայի պետին, գաւառական կօմիսարին և
Ներք[ին] Գործ[երի] Նախարարության Միլիցիայի պահեստի պետին յանձ-
նարարում է աջակցել Ձեզ Ձեր աշխատանքների ժամանակ:

Ի. տ[եղի] Ն. Գ. Նախարարի [Ա. Գյուլիսանդանյան¹⁰]

Վարչության և Միլիցիայի Բաժնի Տեսուչ [ստորագրությունը բացակա-
յում է]

Գործավար [ստորագրությունը բացակայում է]

ՀԱԱ, ֆ. 201, ց. 2, գ. 28: Պատճեն: Ձեռագիր:

¹⁰ Գյուլիսանդանյան Աբրահամ, ՀՀ ՆԳ նախարար (1919 թ. օգոստոս – 1920 թ.
մայիս), ՀՅԴ անդամ:

N 7

**ՆԳ ՆԱԽԱՐԱՐԻ ՀՐԱՄԱՆԸ ՄԻ ՇԱՐՔ ՊԱՇՏՈՆԱՏԱՐ ԱՆՁԱՆՑ
Զ. ԲԱԳՐԵՎԱՆԴՅԱՆԻՆ ԱԶԱԿՑՈՒԹՅՈՒՆ ՑՈՒՅՑ ՏԱԼՈՒ ՄԱՍԻՆ**

N 3450

Պատճեն
4 դեկտեմբերի 1919 թ.
Երևան

Ն[երքին] Գ[ործերի] Մ[ինիստրության] Միլիցիայի պահեստի պետին,
Երևանի քաղաք[ային] միլիցիայի պետին և Երևանի Գավառական Կոմիսսարին

Սորանով առաջարկում եմ Ձեզ ցոյց տալ աջակցություն պ. Զօհրապ Բագրևանդեանին իր աշխատանքների ժամանակ, որը նշանակած է միլիցիոներական դպրոցի ղեկավար և դասատու:

ի. տ. Նախարարի [ստորագրությունը բացակայում է]

Վարչութեան և Միլիցիայի Բաժնի Տեսուչ [ստորագրությունը բացակայում է]

Գործավար [ստորագրությունը բացակայում է]

Մակագրություն՝ «գ. 1090/1919»:

ՀԱԱ, ֆ. 201, ց. 2, գ. 28, թ. 1: Պատճեն: Ձեռագիր:

N 8

**ՄԻԼԻՑԻԱՅԻ ԴՊՐՈՑԻ ԴԵՎԱՎԱՐ Զ. ԲԱԳՐԵՎԱՆԴՅԱՆԻ ԿՈՂՄԻՑ
ԿԱԶՄՎԱԾ ՀԱՍՏԻՔԱՑՈՒՑԱԿԸ ԵՎ ԴԱՍԱՎԱՆԴՎՈՂ ԱՌԱՐԿԱՆԵՐԸ**

[դեկտեմբեր 1919 թ.]
[Երևան]

Անուն Ազգանունը պաշտոնը	Կատարած պաշտոնը և դասաանդած առարկան	Շաբաթական քանի դասա[ժամ]	Ծանուցում
Դպրոցի ղեկավար՝ Զօհրապ Բագրևանդեան	1. Զինուորական կրթություն և միլիցիոներական պատրաստություն, 2. Տեղեկագրելու պատրաստություն, 3. ¹¹ 4. Համառոտ մարդակազմություն,	15 ժամ	

¹¹ Այս կետը ջնջված է:

Սահակյան Ռ., Սարգսյան Ռ.

	5. Զինտրական մարզանք և այլն:		
Իրաւագէտ՝ Թաթեւոսեան՝ դասատու ¹²	1. Համառօտ օրէնսդրութիւն և քաղ[աղաքացիական] իրաւունք, 2. Միլիցիօներական փոխյարաբերութիւնները և իրաւասութիւնները	8 ժամ	
Միլիցապետ Ռուբեն Պապիկեան ¹³	1. Միլիցիօներական ներքին կանոնադրութիւն	6 ժամ	
Դպրոցի գրագիր՝ [Հ]այկ Շամշադիներան	Առաւօտից մինչև երեկոյ պարտաւորիչ աշխատանք		

Դպրոցի ղեկավար՝ Զօհրապ Գ. Բագրևանդեան [ստորագրություն]
Մակագրություն՝ «Իրաւագիտութեան ուսուցչին պիտի նշանա[կի] Արդար[ա]ր[ատության] Մինիստրի [կողմից], խնդրեմ դիմէք նրան՝ 18/XII [1919 թ.]»:
[ստորագրությունը ընթերցելի չէ]:

ՀԱԱ, ֆ. 201, ց. 2, գ. 236, թ. 2: Պատճեն: Ձեռագիր:

N 9

**ԳՐՈՒԹՅՈՒՆ Զ. ԲԱԳՐԵՎԱՆԴՅԱՆԻ ԿՈՂՄԻՑ ՄԻԼԻՑԻԱՅԻ
ԴԱՍԵՆԹԱՑՆԵՐԻ ՀԱՄԱՐ 10 ՀԱՋԱՐ ՌՈՒՔԼԻ ՍՏԱՆԱԼՈՒ ՄԱՍԻՆ**

[Копия]

N 3656

19 декабря 1919 г.

K. N 4020

[г. Ереван]

Надпись на отношении Заведывающего школой милиционеров
Багревандянца от 17/ XII [1919 г.] за N 1 о выдаче 10000 р[ублей] на расходы
по школе

¹² Սկզբնապես իրավագիտության դասատու է նշված եղել այլ անձնավորություն, սակայն նրա անունը ջնջվել է՝ փոխարենը մտցվել է ոմն Թաթևոսյանը:

¹³ Ռուբեն Պապիկյանը ֆրանսիական ռազմական ոստիկանության լեյտենանտ էր և Երևան էր եկել Կիլիկիայից, տե՛ս ՀԱԱ, ֆ. 201, ց. 2, գ. 123, թ. 10: 1919 թ. սեպտեմբերի 11-ին նշանակվել էր Երևանի ոստիկանապետ, տե՛ս «Ժողովուրդ», Երևան, 1919, 24 սեպտեմբերի, № 104:

Հայաստանի Առաջին Հանրապետության իրավապահ...

Настоящую переписку препровождаю в Земско-городской отдел согласно резолюции товарища Министра внутренних дел, прошу выписать 10000 руб[лей] из сумм, открытых на расходы школы милиционеров. Означенную сумму надлежит ассигновать на имя Заведывающего школой милиционеров Багревандянца.

[подпись отсутствует]

Отметка: «Подписку отобрал».

ՀԱԱ, ֆ. 201, ց. 2, գ. 28, թ. 4: Պատճեն: Ձեռագիր:

N 10

**ՎԱՐՉԱԿԱՆ ԵՎ ՄԻԼԻՑԻԱՅԻ ԲԱԺՆԻ ՏԵՍՉԻ ԳՐՈՒԹՅՈՒՆԸ Զ.
ԲԱԳՐԵՎԱՆԴՅԱՆԻՆ՝ ԻՐԱՎԱԳԻՏՈՒԹՅԱՆ ՈՒՍՈՒՑՉԻ ՆՇԱՆԱԿՄԱՆ
ՄԱՍԻՆ**

[Պատճեն]

Ն[երքին] Գ[ործերի] Մ[ինիստրության] Տեսուչ

Վարչական և միլիցիայի բաժնի

N3666

20 դեկտեմբերի 1919 թ.

[Երևան]

Միլիցիոներական դպրոցի ղեկավար Բագրևանդեանին

Այսու հետ ուղարկելով Ձեր ներկայացրած ցուցակը, առաջարկում եմ կատարել Մինիստրի օգնական Մանասեանի համառոտքը. «Իրաւագիտութեան ուսուցչին պիտի նշանակի Արդարադատութեան Մինիստրը, խնդրէմ դիմէք նրան»:

Տեսուչ [ստորագրությունը բացակայում է]

Ի. տ. գործավարի՝ Ղազարեան [ստորագրություն]

Մակագրություններ՝ «Вход. N1090-1919г.». «Выяснить, каков штат. Предоставить.... [անընթ.]», 26/XII.1919». «Գործին ի գիտութիւն՝ 4/2»:

ՀԱԱ, ֆ. 201, ց. 2, գ. 28, թ. 9: Վավերացված պատճեն: Ձեռագիր:

N 11

**ՄԻԼԻՑԻԱՅԻ ԴՊՐՈՑԻ ՂԵԿԱՎԱՐԻ ԳՐՈՒԹՅՈՒՆԸ ՆԳ
ՆԱԽԱՐԱՐՈՒԹՅԱՆ ԱԴՄԻՆԻՍՏՐԱՑԻԱՅԻ ԵՎ ՄԻԼԻՑԻԱՅԻ ՏԵՍԶԻՆ
ԹՈՒՂԹ ՀԱՏԿԱՑՆԵԼՈՒ ՄԱՍԻՆ**

Ն[երքին] Գ[ործերի] Մ[ինիստրության]

Ղեկավար

Միլիցիոներական դպրոցի

N 2

29 դեկտեմբերի 1919 թ.

Երևան

Միլիցիոներական դպրոցի պետքերուն գործածուելու համար կը խնդրեմ
կարգադրել բաց թողնելու երկու (2) ծրար թուղթ, որուն անհրաժեշտ պետք
ունինք:

Ղեկավար Դպրոցի՝ Չօհրապ Բագրևանդեան [ստորագրություն]

Մակագրություններ՝ «Вх. № 4229, 1090/19», «Соколовскому». «Խնդրում
եմ տալ երկու ծրար թուղթ դպրոցի համար՝ 30/12 [1919]»: «Отпущено [нераз-
борчиво], № 1».

ՀԱՍ, ֆ. 201, ց. 2, գ. 28, թ. 8: Բնագիր: Ձեռագիր:

N 12

**ПРИКАЗ МИНИСТРА ВНУТРЕННИХ ДЕЛ РА О НАЗНАЧЕНИИ МЕСЯЧНОГО
ОКЛАДА РУКОВОДИТЕЛЮ ШКОЛЫ МИЛИЦИИ**

Копия

N 58

24 февраля 1920 г.

[г. Ереван]

В дополнение к приказу моему от 4-го декабря 1919 г. за N500, Заведывающего школой милиции Зограба БАГРЕВАНДЯНЦА считать назначенным на ту должность с окладом содержания в четыре тысячи (4000 р[ублей]) в месяц.

Подлинный подписал: Министр внутренних дел ГЮЛЬХАНДАНЯН.

С подлинным верно: Делопроизводитель: Ка[подпись неразборчива].

ՀԱՍ, ֆ. 201, ց. 2, գ. 28, թ. 11: Վավերացված պատճեն: Մեքենագիր: